



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

I. Lvtherus Turcam Christianis Principibus praefert.

urn:nbn:de:hbz:466:1-10880

inducias à Cæsare factas esse acceperant, unde dici non potest quanto metu consternati fuerint: eoque quantas omnino poterant, copias conscripserunt, ut primi in armis possent apparere.

Ratisbonæ XV. Cal. Julij in Comitium itum est, peracto SS. Missæ officio, consensu magno decreatum ut Cæsar Tridentino Concilio assisteret, illudque taretur, Protestantes eodem, quo toties provocassent, adigeret. Cæsar Nonis Julij Civitatibus Imperij prescrivit se in rebelles motorum, & quibus causis ad id moveretur. Saxo & Landgravius Jdibus Julij se arma pro Religione sumere edito scripto publicarunt. Atque ita ad arma incepserunt: itum est (p.)

Ad Ratisbonensem conventum Angliae quoque rex Henricus VIII. Legatos miserat, Stephanum Gardinerum Episcopum Vintonensem, & Cneverum equestris ordinis virum, eum potissimum in fidem, ut Principibus apud Pontificem, cui rebellaverat, intercelloribus ad reconciliationem uiceretur, a perte præferens, non aliam quam Romanam pro vera se agnoscere Ecclesia. At infelix hic Princeps apud utriusque religionis homines erat in derestatione ea, ut vix quisquam audire eos dignareret, ob evidenter iniuste ab eo tentatum divortium, ex quo ingens illa multorum malorum Angliae series est exorta. Et haec cauſa fuit & occasio, ut Cochlaeus scribit, quæ dictum regem à Lutherana hæresi avertit, offensum scilicet eo quod nec Protestantes divortium ipsius, primam omnium quæ sequutæ sunt in illo regno, miseriarum originem, probarent.

Sed omisla Anglia, Germania res modo persequamus: cui ipsum cœlum non obscuris signis imminentia mala præ significabat. Nam ut combustio Planetarum in triplicitate Martis, quæ Anno M D XXIV. contigit, religiosis mutationem portenderat; sic quatuor eclipses, quæ o tempore, quo Lutheri deliria totum sere Mundum inter se bello commiserant utrumq; cœli luminare passum fuit, vehementer omnium animos terrendo obstupefecerunt. In primis vero terrible erat solis deliquium, 24. Jan. Anno 1544. ut qui totus pene obscuratus, vix maligna aliquam lucē Mondo reddebar, rectus inferiore in parte ad X. digitos (q) Magnam hanc eclipsin Solis, tres Lunæ defensiones excepérunt o tempore 9. Jan. 4. Jul. & 18. Dec. uti Gauicus refert, quodiam inde ab eo Caroli Magni tempore, quo is Saxonū gentē à paganismō ad Christianam religionē traduxerat, numquam evenit.

Fleibile est hic meminisse quomodo Hungari, quamque suppliciter, expositis suæ patriæ calamitatibus & periculis, à Germania Principibus auxilia petierint, quæ vero Lutheranorum erga eosdem fuerit charitas, quod Christianæ Reipublicæ studium, sequenti capite ostendam: Neque hoc ab Historiæ meæ serie alienum erit. Inter ea Cæsarem & Protestantes bellico apparatu occupatos paullulum telinquamus.

QUOMODO LUTHERANITUR-
CUM optarint dominatum, & cauſa fuerint
quod pars aliqua Christianitatis
ei subiecta sit.

CAPUT X.

ARGUMENTUM.

- I. Lutherus Turcam Christianis Principibus preseruit.
- II. A faciendo ei bello dehortatur.
- III. Ut etiam alij hæretici.
- IV. Solimannus Lutherum videre expetit.
- V. Lutheri culpa Hungaria & Transylvania amissa.
- VI. Protestantes Christianis laborantibus saepe auxilium denegarunt.

I. **O** Quam magna est corruptæ hominum naturæ malitia! quæ quum in alijs affectibus in ira præcipue & odio appetat. Ubi namque semel alicuius rei odium animum subierit, nisi protinus obsitas, indies ita augescit, ut nullis neque rationis frænis regi, neque ullo honoris respectu cohiberi, neq; vel Dei saltem reverentia & metu retundi, nedium extingi possit. Lutherum videamus: in quo contra Pontificem conceputum odium ita crevit, ut publice profiteri non sit veritus, (a) *Turca dominatum multo quam Papa esse tolerabiliorem.* In Romana Ecclesia multo plus turpioris committi idolatria atque impietas, quam in Mahometana. Comparationem deinde instituit: & quemadmodum, inquit, *Turca Evangelij doctrinam per Alcoranum suum extinguit, sic Papa per suas De-*

cre-
p Idem q Gemma, Frisius in Radio Astronom. Lovaniy vidit h. 8 53. post merid. Crusius Vlme h. 9 a. merid. Keplerus in paralip. Vitell. p. 2 96. & Funcius XI digr. & capisse nocte cere uti crepusculo vespertino.

cretales. Pergit: Quid malis facit Turca? Occupat provincias, & temporaliter gubernat. Idem Papa facit; & animas nostras & corpora simul deglutit: quod Turca non facit. Hic suam cuique liberam permisit religionem. Id Papa non facit. In epistola vero ad Germania Nobilitatem, Turcarum dominatu ait nihil esse gratius aut acceptius, ut in quo nec Canonicū nec Civile ius locum habeat. Eoque servitutem potius spiritualem unius (Pontificis scilicet) excusendā, quā temporalibus armis alterius (Turcæ nempe) resistēdum. Jo summa: Solimanno potius obediendū quā Carolo. Erasmus ad fratres inferioris Germania scribens, hunc sermonē & hoc votū ait frequens esse in ore Lutherorum, malle se scilicet sub imperio Turca non baptizati, quam sub imperio Turca baptizati vivere (sic Carolum V. Imperatorem illi appellabant). Hinc adeo factum est, ut plures etiam acesignani huius sectæ, non solum Alcoratiporicum, verum etiam ipsa Turcicarum Moschearum adyta ingressi sunt, ut infra dicam, quando nobis de Polonia sermo erit.

II. Turcarum Imperatorem Lutherus in quo-dam contra Caroli Cæsaris Edicta libello, dicit multo prudentiorem esse & iustiorem Christianis Princibus, eoque populum monet, ne vel arma contra eum sumat, vel quidquam in bellis sumptus contribuat. Quid enim boni, inquit, evenire ijs potest qui Deum tentant & blasphemant! An non vides, sacrum illum verum, Imperatorem, iactare se pro vero & supremo Ecclesiæ Catholicæ defensore? Et alibi, (b) Male, inquit, faciunt, qui contra Turcam arma sumunt. Quod quid aliud est (ð sceleratam stropham & sophistificationem!) quam Deo repugnare? qui nos eo tamquam flagello verberat. At non tam religiosus fuit Lutherus, quem Saxonem & Landgravium contra Carolum V. Imperatorem; aut cum subditos & rusticis contra Principes & Dominos armavit. Quia vero videbat hoc suum thema à plerisque damnati, purgare se volens, scripto edito demonstrat, cum Turea belligerandum esse, non quidem eo fine, ut ne religionem nostram contrariam ab ipso accipere cogamus, sed ut à vi & iniuria nos defendamus. Sic etiam sentiunt, sic loquuntur, qui in schola ipsius-educati sunt. Huldericum Hurtenum audiamus, cuius tam honorificum iō Bezae Iconibus exstat elogium. Me quidem non invito, inquit, fieri, ut Turcis obediamus, qui fortes sunt & iustitie studiosi, & vires suas non religioni propaganda, sed imperio amplificando impendunt. Et alibi optat, ut Deus Turcam Papæ loco

nostris capitibus dominium imponat. Ferox huius hominis ingenium. Beza ait, quum ad cœlum antea ipsum extulisset, gloria eius multum obstitisse; quæ tamen ad summum pertinera fuerit, nisi in ipso ætatis flore, anno nimirum XXX insignis ille animi ardor ante quam maturuerat, subitanæ morte fuisset extinctus. Nec vero Lutherus tantum & Huttenus, verum etiam Oecolampadius & alij huius ciudem voti rei fuerunt, ut passim scripta eorum re-sstantur.

III. In quo illi Arrianorum sequuti sunt exemplum, qui teste Athanasio, cum paganis contra Catholicos Principes federa inierunt. Sic etiam Albigenses cum Miramolino Maroci rege, Mahumerano, de Castiliæ rege Catholicó communibus armis oppugnando egerunt: quorum insolentia eo vsq; etiam progressa est, ut Innocentio Papæ nunciari iussint, propediem se templo qua Roma sunt, in equorum stabula conuersuros. Possem ego quæ nouis istis Euangelicis cum Solimanno & Amurathe Turcarum Imperatoribus intercesserint consilia, quæ item Anglorum Reginæ Acatholica Legatus molitus sit, è documentis à fide digno viro acceptis ostendere, tum etiam quomodo Protestantes de Hieremia Patriarcha in exsilium pellendo cum Tu: ca egerint: sed quia hæc ad politicam magis administrationem pertinent, omitto. Sed & hac de re amplior erit dicendi locus, quando nostrorum Euangelicorum vexilla, pulcherrimum illud symbolum, TURCICÆ POTIVS QUAM PAPISTÆ, &c. præferentia, in conspectu omnium posita videbis. Omitto quæ Launius in Republica sua Christiana scripsit: (c) quæ sane incredibile est aliquid nesciuisse, ut qui Consistoriis illis & Synodis militatibus non semel interfuerit. Sed & vel inuitis misera Franciæ calamitates infra nobis expositoris, harum rerum mentio obiecitur. Facere tamen hoc loco non possum, quia memorabilem hanc historiam, & à Veneto quodam Nobili Relationibus suis inseritam, & a Maolio quoque in Locis communibus allegatam, recensem; quamvis eadem in Commentarijs ad Coronam Terruliani, leviter & velut extremo dígito delib̄rim.

IV. Anno M D XXXIII, quum Solimannus accepisset, quantas turbas unus monachus in tota Christianorum imperio dedisset, & quod is inter

Kk 3 alia:

b Luth. Tom. 2. fol. 49. c lib. 2. cap. 13.

